

范氏宗譜卷

首一

譜都正本

范氏五修譜叙

建國有二道曰王曰伯和緩而漸進由家

而及國堯舜禹湯文武之道中華以之剛

猛而速成有國而無家老

老子貴柔本與相反因為我之故流弊一變而為中韓無為而

無不為使人墮其術中而不覺蓋名柔而實剛者

佛商墨回耶之道外洋以之

外洋人生即屬之國公養公教父子兄弟

不同居共財吾民在遜清以前自初生以

至成才皆家庭負教育之誼務而政府坐

高其成故伯道直捷而易富強王道從容

而能久大吾國民性和平政體平恕由親

親長長齊家至于治國平天下故曰國之

本在家古者天子諸侯有國公卿大夫士

有家國之政教分寄於世家巨室所謂故
家遺俗實立國之中堅故國家成通稱之
名詞家之作用父子兄弟夫婦也冠昏喪
祭也祖墓宗廟族譜也通禮達道皆經世
之具而出家教國者也世變風移趨時投
機者方徇解放之說以閹媚於世視倫常

禮教為障礙物夫婦一倫而外直將效外
洋之無家祔田施以讐歛廟墓瀕於毀廢
由今無變再世而後尚何族譜之有此非
仁人孝子疾首痛心之日哉寧知反而求
之國性民情顧乃背道而馳通都比戶爭
於機影翻天礮聲震地之際僉以修譜為

當務之急仁率而下義率而上以治祖禰
以治子孫以之反本修古敬宗而收族而
吾里 范氏五修之譜於時告成聚族於
斯舉酒相慶豈非先聖先王之風禮樂詩
書之澤有以固結人心百變而不離其宗
者歟吾邑寡實學而多文人 范氏得山

川靈秀之氣郁々彬々文學之士甲於邦
族弦誦之聲比於鄒魯非世惠作求積累
深厚何能若是自古善述祖惠者莫先於
范氏觀士宣子對叔孫之言固儼然族譜
之儀式典型其先固帝堯神明之胄也古
帝莫高於唐堯堯典協和萬邦平章百姓

先之臣克明俊惠親睦九族是知齊家為
治國之本睦族乃齊家之法若譜牒者又
睦族之表著者也天下為公既無不祖天子
之限制則固明之我祖矣傳曰盛惠必百
世祀明惠之後必有達人 范氏自隨武
周宗在周則蠡雕奮庸於秦越漢晉南朝

則滂丹祭宣喬著節於陳汝汪甯泰曄雲
緝濟美於南陽宗則景仁瀉父發於成都
文正忠宣石湖顯於蘇州明清則文肅忠
貞興於長白莫不闕闕累朝節鉞數世其
他散處東西南朔以儒林文苑使節邊功
名宦逸民著者不可勝數公侯將相忠孝

節誼民社勛勞經史著作立憲立功立言
無才不備直將永世不朽非僅保姓受氏
已也吾涕泣范氏則自武子滂公巨遠唐
平章河內履冰公又六傳為由河內遷麗
水及蘇吳之隋公又四傳為蘇州文正公
親兄仲溫公又再傳為由蘇遷蘄水復遷

荆襄之正蒙公又十六傳為由荆襄回蘄
之始祖榮輔公蓋平章公之二十九世孫
迄今五百有餘歲祚胤數千人矣英俊之
域冠蓋如雲建學校修禮法振凶荒濟窮
乏猶有文正誼莊之遺長幼有序行坐有
法平凡清素之家與夫貴游國子无不教

先率謹稱為秀民至於愷師老德經明行
修冠冕詞林津梁學海威儀風雅聞望圭
璋臣道粵民居賢善俗洵一模範之世家
也矣高谷深陵人間何處環瀛苦戰九域
淪胥懼文獻之無徵率舊章而述事則有
南亭午樵覲廷諸君子繼慎菴斗室暨歷

修諸公之後分任督修總理總纂修撰編
輯校繕各職皆一時名流碩彥法家弼士
博學高文自靖自獻人盡其才成一代典
章制作其誼例之精嚴文章之典雅蒐輯
之周詳校訂之明確無一不裒然選首丕
顯丕承潤色鴻業甚盛事也 吳近居廉讓

早承薰淑感先師之遺教欣信史之新成
自愧不文未堪多難其將為王道之有家
耶抑為無家之伯道耶且臣覘時事之變
遷去道人心之趨向與華夷新舊之循環
消長云爾真理不滅放勛恭讓之息直可
與天地終始而無極繩其祖武于萬斯年

豈止百世祀而已哉願以此為 范府

馨香祝

中華民國三十一年壬午仲春月 穀旦

前總統府秘書二等嘉禾章清舉人

通家愚弟瞿昺頓首拜撰

范氏修譜原序

蕪陽范斗岳先生余同年中畏友也憶昔同史館時以桑梓之情篤園譜之雅是以交最摯日夕過從談論間常以譜彙爲急且屬余曰吾若成其譜君當爲之弁言以誌不朽俾得聯族而聯吾兩人氣誼之深余不敢承竊心識之丙子大比斗岳奉簡命典試閩闈取士盈門旋督學閩中方以爲得展所學無何試未竣卽奉諱歸里蓋是自不復接風儀厥後余亦乞假歸掌教星沙斗岳亦主教瀛溪書院課諸生尚經義黜浮崇實立品敦倫士林以爲光風霽月周茂叔復生也余郵緘達款心源遙印交道非不

其真畢竟以雲山阻隔爲悵丙寅春斗岳族中子若姪以修譜盛舉專任族於太湖之南奔馳跋涉造吾廬卽以家譜問序於余因憶與斗岳在京華時晨夕與處得深悉范氏家乘自宋文正公昆季後兵燹散軼遷徙如江左如中州及關陝湖南星居各地輯聚維難今族中能以先人未竟之心爲心旁搜遠採力勩成帙其事甚重其義甚大譜雖未成於斗岳之手而素願已慰矣但思瀛洲友三輩今俱修文天上而余以八十餘齡尚飽太平之粟且及見故人之族以孝弟爲心而以敦復本根爲事又何憾焉余固樂得而爲之序

昔嘉慶十一年菊月

穀旦

賜進士第翰林院編修年家弟羅典徽五氏拜撰

范氏五修宗譜

卷首一

原序

二號

范氏家譜弁言

丙申歲余客蘇門 范文正公祠宇宏闊春祀時主祭官
東吳太守子若孫羅拜以千計想見義澤之貽風教之古
雖牧豎亦生感矣後六年食祿浣川范氏諸君子接見悉
舊家風儀叙及家世乃知卽文正公同懷兄仲溫公之的
派也先本吳人宋大觀時攜譜遷蘄元末避兵復徙荆襄
前明仍返蘄居焉科第簪纓不輟耕讀亦布帛菽粟詩書
禮樂之家也余束髮時塾師蕭融川夫子閱邸抄謂門弟
子曰蘄水范斗岳公督學閩省提倡宗風斷推此君余謹
識其名故余蒞蘄後與范氏諸君子若夙契然上年太學

生名蔚岑與余敘及斗岳公與伯叔弟兄欲續家譜以竟
先人未竟之志因家風寒素拮据未遑謝世後竟成虛願
余聞而嘆息者再丙寅秋斗岳公令嗣明經世棻同族尊
國緯庠生宜善世昕約族同心僉籌暫減飲福湊集鑄費
綜核世系力勸譜事可謂賢矣旋屬余弁言夫敘譜乃宗
人事奚用局外操觚况范氏爲名族戶口蕃衍不下數千
忠孝節廉名播唐宋明代自建陽令崇祀名宦後尤多偉
人譜中所載已詳見史傳及省郡邑誌余何言乎但君家
系同文正吾聞文正之收族也置義田以贍之建義宅以
聯之立義學以教之克昌厥後盛稱宇內者豈僅傳珪接

范氏五修宗譜

卷首一 原序

三號

綬已哉茲皆能體先人之素心遠承文正之令緒則夫敦
本收族以綿累葉吾人所謂觀吾譜而生孝弟之心者已
見一斑矣吾知范氏之雲礽啟後者必以文正公爲師承
先者必以斗岳公爲法故樂承其意而爲之序

庚子科舉人蘄水縣教諭王荃采蘅氏拜書於古香學舍

續修族譜原序

從來敬宗收族莫大於譜粵自魏晉立九品中正官人之法族籍藏於官司沿至唐初猶存厥後公卿大夫以及士庶之家莫不有譜譜之由來尙矣嘗考歐陽氏蘇氏二家之法一則以五世爲圖使族人各詳其宗一則祇從其小宗而虛其大宗然小宗五世則遷大宗百世不遷故曰大宗以收族苟大宗廢小宗亦無所恃以獨施於天下善哉震川歸氏之言曰譜也者載其族之世次名諱而已不可知者無如何其可知者詳載莫漏是不必泥於宗法而宗法存焉矣余族出於劉累之後至士會食采於范遂以爲

氏漢時孟博公名重八顧唐代復振興於履冰公延至北宋初隋公由江右遷蘇越數世而正蒙祖又由蘇遷蘄廿餘傳再遭離亂散處荆襄我祖榮輔公當前明初由荆襄回蘄世遠年湮前乎此者不獨生卒難稽而塚墓尤多失考安所得縷晰而詳徵乎溯厥由來榮輔公乃一世祖也舊譜所載直等諸崑崙宿海已耳但譜系之修意起於慎菴祖其後予若孫俱有志未逮至斗岳公欲成數世未成之志奈子姓星散家道寒微而族中老成先後凋謝良可慨也近幸族中俱以敦本收族爲急暫停飲福之賞同遂先人之志更各竭力捐助共勤成帙雖契分派別卒

能誼合情聯舉凡履歷行誼爵謚 封贈及狀志表傳皆
當詳紀罔闕至於嫡庶必辨立繼宜嚴也節孝必錄遷徙
宜詳也生忌塚墓必載填注宜慎也正蒙祖以前敘厥源
流 榮輔祖以下圖其世次不獨先世之茫茫邈邈者可
以披圖而溯卽支庶之林林總總者不且如親一堂哉凡
我族人睹斯譜也孝悌之心當亦油然而生矣是爲序
嘉慶十一年丙寅歲季冬月上浣

世棻

吉旦

裔孫國緯同宜善 敬譔

世昕

范氏續修譜序

從來家之有譜猶國之有史邑之有志也余知蘄水數年
每欲續修縣志奈公務旁午不果成簿書暇每緝閱舊志
見 國初首與館選者爲范公斗岳前輩其他則尚義者
有人篤行者有人登賢書而躋膺仕者實繁有徒知范氏
之椒衍於蘄非一日矣迨奉文取士於儔眾中拔其尤有
范子序鏘詢之則丁酉舉人范子序鏘其兄也次年復取
范子施御寇童軍詢之則乾隆丁酉拔貢原任陝西孝義
同知范公世業其祖也余秉公衡文初非搜羅夫世族而
所首拔皆范氏余豈有私於范氏哉抑范氏之族大而子

孫賢耳卽其間公事偶臨嘗召聚邑中諸紳有文學范慶
會佐騎尉范用昭者皆彬彬有儒雅風知非世祿之家持
梁齒肥者等然非公不至蓋亦有守士也夫范氏固多佳
子弟而余之所心賞夫范氏者何不一而足耶近年來余
卸篆居省城諸大史命予掌教勺亭書院而范氏之家乘
續刊適當其時首事者乞余爲序余思夫國有史而忠義
著邑有志而賢良昭家有譜而合族之嘉言懿行於是乎
書譜不綦重哉范氏來自姑蘇則文正公之舊緒可續也
遷於楚北則五桂堂之勤學可師也顯於蘄陽則凡如斗
岳公之聲價聞望者自當接跡而起將來之步蟾宮登雁

范氏五修宗譜

卷首一

原序

六號

塢者科名當爲蘄邑最余於范氏恒多屬望焉

賜進士出身翰林院庶吉士前知蘄水縣事

通家生趙鍾彥頓首拜撰

范氏重修宗譜敘

兩晉人尚門第王滿聯姻致掛彈章氏族盛衰關乎流品
已然郭崇韜拜汾陽墓人姍笑之有持狄梁公圖獻狄武
襄者武襄却弗受故知遙遙華胄達者不言蘄水范氏御
龍裔也其淵源載左氏傳可謂世祿趙宋之世范氏最盛
名臣理學指不勝僂今觀范氏譜敘始祖爲唐冢宰履冰
公居江右由江右遷蘇者爲隋公由蘇遷蘄者爲正蒙公
正蒙公傳十餘世丁元季亂散處荆襄至明初有榮輔公
復回蘄籍傳至今十六世榮輔公而上敘之畧榮輔公而
下敘之詳無攀援無傳會無譌誤無掛漏而以行誼傳者

范氏五修宗譜

卷首一

原序

七號

有人以文學傳者有人以經濟傳者有人以科第傳者有
人炳炳麟麟光於竹冊倘所謂不假鋪張自成鉅製者歟
抑又聞之部婁無松柏其積薄也大河之水瀟瀟汨汨其
源遠也范氏自有明距今凡數百年代有令聞現今繼起
者自吾友赤亭東士兩孝廉外列膠庠者數十人騰達之
勢弗可限量安見不與趙宋之汝南蜀郡後先輝映也乎
范氏故有譜嘉慶丙寅修今又四十年增付剞劂仍舊章
也於其成書此以爲贈

昔 道光二十七年歲次丁未孟冬月

穀旦

賜進士出身卽用知縣年愚弟匡慶榆頓首拜讚

范氏續修宗譜序

昔先王以親睦教天下合族以食序以昭穆大宗小宗所由立也自宗法廢仁人孝子所恃以敬宗收族者莫如譜譜不立數世以上有味厥淵源者矣譜不續數傳以往有忘其名次者矣士君子恭逢盛世當思迪光其前式啟其後倘前人艱難以集其成後人因循以墮其緒揆諸木本水源之思必有惻然大不安者我族自榮輔公回斲厯今近五百年明季兵燹後譜牒散軼子姓星居雖以慎菴祖收族於前斗岳公繼武於後僅留墨蹟未即梓行嘉慶甲子歲叔曾祖雄才暨兆祥桂堂曙亭諸伯叔體前世未

范氏五修宗譜

卷首一

原序

八號

竟之志遐稽博攷自履冰公至正蒙公十三世爲遷斲之祖由正蒙公逮榮輔公十六世爲回斲之祖雖年遠不無缺畧而世次已昭然矣至榮輔祖以後做眉山族譜例圖以繫之牒以紀之舉凡爵謚封贈必書忠孝節義必書宦蹟藝文必書數易寒暑至丙寅始付剗刷甚矣集事之難也夫有以開其先則續成較易而亦有難焉者族大丁多倍增於前雖採訪責之各房非實心任事之人近居不及清查遠遷益多疎漏固不獨編修者必秉心公正識見明通難得其人卽各得其人矣而卷帙繁多校對鐫刻之費未能一時措辦此所以續修之志積有多年仍不輕於舉

行也乙巳燕祭謀諸闔族所幸皆有同心捐輸者不吝其財採輯者不憚其力由是將舊譜新編通彙釐正體例率舊所以息紛爭也疑難存泰所以昭慎重也遺漏者收之必源流之可考也舛誤者正之必文獻之足徵也懿行詳載卽以垂後嗣之型也規訓必嚴無非本先人之志也雖積日累月未敢掉以輕心而淺陋疎忽之失知所不免豈非續之易而亦未嘗不難哉族之人披圖而覽牒者誠念創始之意諒續修之衷而互相親睦則先王宗法之立不外乎是若夫葛藟培而永固椒聊衍而愈繁繼繼繩繩世守而光大之則賢子孫之責也亦卽今之所厚望也夫

范氏五修宗譜

卷首一

原序

九號

崑 道光二十七年歲次丁未孟冬月

穀旦

裔孫德薰德淵昌期敬撰

范氏三修宗譜序

光緒丁丑保釐奉簡命以江蘇知府用過吳門謁先賢范文正公祠恭覩仁皇帝御書濟時良相額足見文正公功業昭垂萬代、聖朝崇獎先臣之意至優且渥及訪義田遺制主奉者如公之存世守勿替范氏誠不朽非僅云世祿也因憶吾蘄水范氏亦蘇裔自先達斗岳太史視學閩疆科名繼起保釐三十年前與范氏二三君子游皆卓犖偉器又重以姻好時過從見其族姓敦樸循循然有禮讓風益歡文正公之教澤長矣中間典試湘黔兩次歸省竊悉里中衣冠舊族經兵燹後半卽式微而范氏

范氏五修宗譜

卷首一

原序

十號

尙克光昭先業垂後嗣於無窮與吳中相輝映焉宜其聿鍾偉人聲施旬旬瓜支林矣今因續譜之成囑釐兄秉均問序釐夙慕文正之爲人知范氏代有興者故樂得而誌之

賜進士出身翰林院編修現任江蘇常州府知府加一級

姻晚畢保釐頓首拜讚

一 范氏三修宗譜序

今夫里街之中子姓萃處讀書者愿樸而世其業業農者復勤於稼穡罔敢窳惰其父兄子弟勛釗相勉歲時伏臘勞苦而慰問之弔慶之禮既周且渥善氣萃於一門由是推之一鄉而一邑而天下皆奉以爲則將滴香厚後者約斲弛者悉返乎繩墨之中嗚乎風俗之美豈不由此哉范氏蘄水著姓也敦竺之行久耳於鄰其族姓雖繁大而室無勃谿之聲戶無閭牆之釁序塾疇畝之間懇乚如也今合族而謀將取舊所緝譜系續而增之凡夫鼻耳之逃手足之睽齟期之叟咳嬰之童秩秩焉罔訾其序信今傳後

爲他時 國史所憑藉無惑也觀范氏之譜者孝友之風既可以訓世而型俗又况其科第之烜鑠文章經濟之彪炳章章於楮墨足以綿其世澤也乎頤范氏之自出知之最詳故序之如此

歲在戊寅四月現官翰林院編修外孫潘頤福序

范氏三修宗譜序

蓋自保姓受氏族法以立先王敦本目族垂諸孝經詳於
祭義使吾民日趨於厚各盡其力之所能爲凡所以成就
其人材而感發其天性意深遠也我 國家化澤涵濡生
齒蕃庶石渠玉籍掌在春官省會郡邑之間志乘燦然文
物大備生其時者莫不願本忠孝發爲文章對子孫思其
宗祖沿流溯派訂墜搜遺儼成一家之觀其盛事也眉山
蘇氏之言曰情見於親親見於服無服則親盡親盡則情
盡然則由服而至於無服由親而極於親盡所恃以不盡
吾情者莫如譜吾范氏麗水府君墓在太平山左麓形家

范氏五修宗譜

卷首一

原序

十一

謂祥之所鍾吳中洛中後先輝映子孫散處四方者所在
多有迄我正蒙祖妣姑蘇遷蘄元季播居荆襄我榮輔祖
復由荆襄回蘄世系釐然載在舊譜入蘄後稱煥照燭烈
四分軍民各隸但丁明末之亂先代松楸就淪宿莽廼篤
生我慎菴公捐祭田置軍產建祠捐父子相繼樂善不倦
族人至今德之厥後斗岳公馳聲玉署兩使皇華閩人士
佩服德教勒之碑頌他或以宦跡顯或以行誼稱代不乏
人猶見我祖宗培植之厚積累之深矣同治甲子歲粵賊
跳梁潢池弄警蘄黃受害最酷吾族惟赤亭孝廉公秉鐸
興邑靜軒司馬公以大挑知縣需次河南得免於難餘皆

登山涉水謹攜譜牒罔敢散佚上賴 聖神威德奠定東南歸來省視山壠蕭然蓬艾至是祖宗享祀之所子孫棲息之地半付劫灰族之殉難者概難指數凱歌傳捷謀集厥居首建宗祠次培祖墓集族之子弟延師於義塾課讀亂離之後不廢絃雅漸無玷宗風科名由此日盛族長老作而曰當務爲急其在譜乎顧有難焉者遠居遷播得毋漏歟喪亂流離得毋失歟懿行苦節得毋闇歟窮殍孤零得毋急歟沒吾不知其何時葬吾不知其何地畧歟棄歟夫自吾視之若固疎且遠也自祖宗視之與吾同爲一體忍聽其疎遠湮沒而不悉心收輯耶敢不勉歟敢不勉歟

譜一修於嘉慶丙寅再修於道光戊申昭穆序次之辨規訓條例之嚴後無以加焉今集族鳩工梓成三十餘卷有基勿壞遵先志也有善必彰勵後嗣也有疑必闕不諱其脫也有事必詳不厭其煩也凡此皆積月累日撙采必嚴終不能無歉於心者吾譜之所以必續而不敢遽續也憶吾范氏食采以來在晉稱其世祿在漢表其清操肇於唐而於盛宋 本朝定鼎文肅忠貞二公爲開國翊運功臣父子兄弟秉政中樞足與文正忠宣媲美簡冊誠何代無才何地無才也後之人知所奮興勉副 朝廷作育之恩厚酬祖宗期望之意白石靈鍾廉泉秀茁其功業著於當

時文章垂於後世者不僅爲家乘光也尤族之厚望也夫
昔 光緒四年歲次戊寅仲夏月 吉旦

昌瑞 忠譜

裔孫 忠喻 毓璜敬撰

成錦 忠文

范氏五修宗譜 卷首一 原序

范氏四修宗譜序

維民國紀元之二載范氏四修宗譜告成於是亦民族結合體之見端哉葆青弗文初蒞蘄水因故人范讓卿廣文敦請作序得窺范氏雲祚蕃衍之實原原本本臚列而數記之某也掇巍科某也登顯仕某也勵躬行秀而文者忠孝發爲詠歌愿而謹者亦足端本家庭矜式閭里茲編之所載皆是也高曾垂型於矩矱子弟率由其父兄游惰者蓋寡焉乃曰嗟乎家族盛衰之故依乎祖功宗德以爲衡豈不然乎豈不然乎范氏自堯以來世祿不朽人傑清流代有令聞尚已延及有唐履冰公以江右一系至北宋遷

蘇數世由蘇遷蘄又數世丁元季亂由蘄散處荆襄逮梁輔公由荆襄復歸蘄籍用奠厥居保世滋大播越雖歷數朝淵源總歸一本從其遠者言之祖述陶唐固猶然黃帝神明之胄也從其近者言之則范氏之係蘇出親以繼承文正公之統緒不亦信而有徵哉故賄宗廟宮室則思先人櫛沐之勤撫手澤栝棬則思先人箕裘之義居廓廟之高則思先人慷慨澄清之志處江湖之遠則思先人後先憂樂之情水源木本觸目興懷孝弟之心有不油然而生者乎抑葆青意更有進者國家者積人而成者也前清三百年來教令約束對於自由結集立法綦嚴而收族敬宗

揆諸孝以治天下之心特爲國家所尊重故吾人猶得於帝制政體之下抱殘守缺以爲今日羣學開幕之起原而擴張之而光大之未可知也顧念范氏族大雖漸蕃庶而山澤異處風氣有殊按之國籍戶口曾不足當萬分之一國家總家族之全數利用分者合之家族居國家之單數利用合者分之然人同此心心同此理此羣與彼羣形睽而實親也小羣與大羣勢隔而實通也天下雖大匹夫有責一室雖邇而千里應之修齊治平其道一貫凡有血氣莫不尊親而謂范氏生聚數千人無當於國家關係者豈理也哉今日者布衣昆弟之歡收之卽干城武夫之用婦

子家人之樂鼓之同仇敵愾之需自有譜牒而家族之情聯亦自家族聯而國家之基固植理以爲標因時以爲用集其力於全體分其任於個人民國新造微斯誰與歸焉竊願與范氏諸先生商榷此義也

前清乙酉選拔己丑舉人蘄水縣知事

教弟筑陽錢葆青謹識

范氏四修宗譜序

重光大淵獻之歲且月上浣晤浣川范君深甫於鄂垣茗
談之下得悉其將續編家乘丐予弁言於簡端予思斬我
舊泣地而深甫又下車後所數共晨夕者也方予宰斬時
其介弟後軒祠部監學邑高等詰嗣秉衡茂才又予所得
士孔李之友因之益篤亦固其所憶予丙午歲杪捧檄赴
義水便道過訪與其伯仲聯床翦燭把酒賦詩幾欲爲平
原十日之談見其家庋岳陽樓記一則敘及曩年謁秋闈
座師畢東屏夫子於蘇得瞻范文正之祠宇及其義田遺
隴輒低回留之而不能去洎承乏於蘄以來復稔聞蘄之

先達自范斗岳太史蜚英玉署兩使皇華後邑之撥巍科
躋膺仕者焜耀簡冊難縷指數范氏亦代有其人以余所
知靜軒司馬繼素夫司馬而花種河陽少溪廣文踵赤亭
廣文而鐸司鄉縣金門由制科而官別駕芑村以宿學而
授太司性齋東士之舉孝廉旣增竹林之色後軒笏傳之
擢京秩尤生薇省之輝賢良方正之科應詔者麋集麇至
學校膠庠之地觀光者鸞發雲騰鳥虡盛矣乃推范氏所
以發祥之由實緣祖若宗積德累仁子繼孫繩綿綿延延
至於今勿替自昔厥後行見御龍世胄蒸蒸日上舉凡瓊
材偉器名官通儒孝子慈孫貞女烈婦詮次厓畧揚之郡

縣編之通志登之國史於以耀後世而垂無窮猥云一族
光寵乎哉至於譜牒之詳世系或祖廬陵或宗眉山成例
具在奚俟予之贅辭爲
賜進士出身前知新水縣事

通家弟徐培光頓首拜譔

范氏四修宗譜序

二氣莫之或息也造物者之無盡藏也天之未喪斯文也
生物之以息相吹也其遠而無極耶閱世生人閱人成世
有一代之聲名卽有一代之文物有一代之文物卽有一
代之典章葩經訖於周幽而春秋始於魯隱麟筆絕於西
狩而通鑑起於三家古聖賢經世爲懷每於運會推遷之
際編年作史繼續前篇拳拳焉惟恐秉筆或後者亦良以
三統不可一日絕承先啟後繼往開來師儒實尸其責耳
家族之有譜其意亦猶是焉我族譜系自春秋左氏傳以
降考諸史爲世家爲列傳爲儒林文苑汗青相照祖典燦

然無俟覩縷惟族大宗繁椒蕃瓜衍由晉而吳而楚而我
斬其間世系則有以待家乘徵實者先輩知其然前嘉道
光緒時謹依文正公蘇譜暨元明舊譜踵修三次計距今
凡逾三紀以年以世續修誠不可緩况當國政維新之際
實又斯文蕃變之交有心世道者方將陟會稽探禹穴泛
湘沅窺九嶷訪夫子之遺風觀鄒嶧之鄉射網羅天下散
失舊聞上溯皇古下至於茲究天人之際通古今之變成
一家之言矣吾儕學殖就荒縱不能高談經世仿先哲體
大思精之作以連鑣於班馬間而於一家一族爲承先啟
後繼往開來之計磨齒揮禿夫又惡能已於懷於是同族

諸人鳩資合力迄於今歲如月開館續纂稽焉攷焉搜焉采焉讐焉校焉編述焉勘訂焉補輯焉任舊人率舊章仍舊貫必嚴必慎必詳必確必明必實以丹以鉛以松以楮以梨以棗以竹以素爲四修新譜如千卷凡閱十餘月始成分之闔族區區之意雖不足與經世作史者同其宏遠而躬逢絕續之際表章先德昭示來茲之心則有可爲吾黨共白者夫族譜之興濫觴典午其初祇藏於官因九品官人以閱閱論流品存此以爲官人之籍生其時者率皆銓部視之矣至唐初士大夫始或藏於家則又廣錄同姓有戶必書下品寒門亦得與籍甚至有獻圖鬻祖拜墓認

范氏五修宗譜

卷首一

原序

二十

宗者亦不過戶籍視之矣沿及趙宋廬陵歐氏眉山蘇氏爲大小宗圖別親疏定服制嚴昭穆之辨朱文公更爲之定家禮作家書立孝弟之準規模始覺明備降至後世又率皆具文視之矣吾黨同人度無慮此特漆韋新成宗彙具在服疇食德不可味厥由來耳越惟我祖榮輔公自明季再次回斲之後培仁竺義累世於茲衣鉢相承文名蔚起步玉堂使皇華著循聲宏教育才高李嶠賦擬景純者代有其人卽今文化迭更而舊范新礪亦復並行不悖若科目若學堂若異等茂才若州舉貢舉若春官甲第若題柱郎官若賢良方正若小學大學造士俊士明法明禘經

師人師異曲同工類皆能謹奉栝捲祇承先臬生斯世也
由斯道也覺斯民也當知夫道有宗傳學有家法我高曾
矩矱足以世其家而登文俎者有不翅伏書孔字韋氏一
經也無然畔援無然歆羨讀父書奉祖研承保廉讓淵源
於勿替斯則今日續述之微意歟

昔

民國二年歲在癸丑仲冬月

吉旦

嘉慶丙寅年范氏創修宗譜凡例

一親生君成同切高厚之戴凡 誥敕賜賚必錄於譜以昭榮寵其先於譜牒者尊若之賜不敢序次於後也

一凡命名取字於本朝 廟諱 御名以及

聖諱自當遵例敬避卽序傳文字亦不可誤犯

一世胄迢迢自始祖以降要難悉系圖考惟以先落籍之祖爲始五世一提次各諱次字號次某公子次生卒葬次配嫡子女紀載詳明以便翻閱

一遠祖有舊傳失序者皆當注錄以誌不忘至族中子姓遷徙無常其諱號配氏子女並生忌年月葬地及遷居年代

州縣村鎮務各紀載宜詳無畧庶令日後稽查得免遺漏

一萬化始於閨門凡元配繼配並庶妾各書某處某氏生子各注所出有節義孝行必書有封贈者必書妾有子女者書之其能力勳內政有功家道者雖無子女亦不可畧

一祖宗墳墓必詳紀其地名山向有碑誌銘贊及地同葬異者分別書之卽有無出之祖葬所亦必詳錄

一祖宗祀產山場田地其界限有與本族相連及與他姓相接者務須注載明確以息爭訟

一立嗣者許立親兄弟之次子如無許立親堂兄弟之次子雖律有立賢立愛之文昭穆序次斷難淆混但於本名下

書以立某第幾子爲嗣而於本生父下注生幾子某出繼
某異姓來繼者不書乞養不明者不書

一 族中無論尊卑隱顯有侵佔祖墓盜賣祭產以及無故擅
弛祠祭竄改譜牒悖逆天倫者除按律稟治外悉削除不
載

一 男女未婚嫁者婦未見舅姑女未執婦道似不應書然曰
聘曰許亦理之所有

一 婦人夫亡改嫁者義與夫絕遂於其夫下口其氏但於所
生子下書母某氏出見母恩之不敢絕耳

一 婦既改適他姓義與廟絕不得徇俗返與前夫合葬致滋

范氏五修宗譜

卷首一

凡例

一三三

事端

一 族中娶妻有前夫之子隨母撫養者亦或有本族孤子因
母改適寄食外姓者均須查令各歸本宗俾續修譜牒免
干異姓亂宗之條且不致有脫畧遺亡之憾

一 凡族中有孀婦年未三十立志終節或以身殉夫以及妾
能守節無論有無子女曾 旌表否須據實詳書用彰隱
德女出嫁能守節者亦須附載以誌不朽

一 戶下族大人眾名字不無偶同除已往無庸更改外凡祖
先名字自當敬避如五服內名或相同存其已成更其未
成尊卑有同者卑者更之其長幼有同者幼者更之

道光丁未年續修宗譜凡例

一續議凡各分生卒葬娶採訪務須詳悉開載卽遠遷各省府邑者亦不得辭勞致有遺漏

一編修俱照採訪原藁舊譜所載毋許擅自改易如前有未及查實者必須確據方許更正

一繼嗣之重舊例詳明必嗣父母與本生父母兩允方准承祧入譜後不得更生異議

一譜費浩繁係各祖捐輸舊譜序傳照前重刊新入傳者另自出費至先人藝文可傳送祠秉公酌選不計刻費

一節孝無論已旌未旌皆足增光家乘如後嗣微弱不能立

范氏五修宗譜

卷首一

凡例

一一四

傳准於本名下表揚篤行足法者亦然

一本宗遷居寫遠凡派系訛誤者更正以昭畫一庶昭穆不致淆混

一前譜未及採入今查明詳載以昭敬宗收族之意至老祠祀產祭棹向有定例後入者不得藉譜生端

一督理纂修編修分校謄錄採輯俱係踴躍赴公共勦盛舉公祖並無館俸

光緒戊寅三修宗譜凡例

一三修宗譜均照舊章老譜正傳中只載生卒支干未詳年數今據實查明於某支干上註明年數以便查覈其闕不

及詳者不敢妄補

一 父系用小字註明提上一格子不先父之意也至嗣子承祧於嗣父下系傳兼祧者於本生父下系傳註明幾祧以省重字

一 序傳遵古人生不立傳之說謹將原刻老傳列前三修新傳別之於後以修譜年代不同故也其老傳新傳壽文仍照各房輩派序次不致淆混觀者審焉

一 各祖祀產原以垂久遠毋得蕩廢其有續置及新添者均照來稿詳載不敢重刻亦不敢妄刻

一 續修譜帙添卷較多紙費工資食用尤非昔比雖各祖捐

范氏五修宗譜

卷首一

凡例

二五

項照前稍有增加而張拂布置費成首事良不易也後之續修者宜諒之

一 譜費出入均係總理酌辦經理登帳撙節愛用務省浮費譜成後眼同族眾核算清款

民國癸丑四修宗譜凡例

一四修宗譜俱照舊章無敢竄易但前譜或有舛誤遺漏者纂修編修校正務各細心勘覈舛誤者更正遺漏者補載以昭慎重

一修譜之責首在採輯採輯之難尤在遠探雖不敢謂遠探必能收輯但敬宗收族之意不辭勞瘁允堪嘉尚若無前譜根據冒昧收入者亦不妄登

一祭產前譜嚴明無敢蕩廢此次四修務須將以前所入者覈實嚴登有續入者詳載地段既入之後責在戶首房長倘有盜賣移換等弊戶首責成房長聯名稟究不得恤情

一向有領譜費序傳費此次議定除老序傳照刊外新添一篇出錢一串領譜一套者亦同至藝文秉公酌入不取刻費

一纂修編修俱照採輯原稿重爲釐正各房臨刊對稿先五日懸單各房準採輯一人來館面覈以防舛誤其譜費及序傳刻費責成各房房長經營採輯先期公同收送存儲總理經理登帳當發四修宗譜截記收條存照以便臨期開盤刊刻應用如有二房遲悞致礙全局則惟房長經營採輯是問公議採輯薪勞錢每人四串出自各祖至各房厚送譜館神福均不准折錢

一費用浩繁簡之又簡因集事之難稍議薪勞輪流在館不准多人充雜凡有請戶族評論事宜已往者概從原諒萬不得已各房在私祠備酒和平商辦譜局各司其事至館者茗談之後不能留餐

一採輯均照前譜三次凡例開採益以四修添議條款務要校對詳明無失繁簡或有譜稿未齊臨期遲悞者經局內人再三面詢之後不能因噎廢食致礙全局只得附載續修添丁卷目若干部其費用多少出自續修添入之人不得故爲遲滯自誤後著爲例

民國壬午年五修宗譜凡例

一五修宗譜諸照舊章無敢窺易惟因政體變更凡含有時代性之文字不得不稍事刪改以求適時

一宗譜續修每屆必三十年舉行其間人事不無蒼桑變幻萬必待續修時始行採訪定多脫落不詳以後關於人事變態應由各本房經理仿照戶口異動登記辦法隨時記載庶不致脫漏且免蒼卒採訪之困難

一本族向來維持家風者僅有譜例及成訓二項並無永遠遵行之規則雖有家規目錄而無條文本屆全族會議遵照湖北省政府鄂東行署頒佈修正清勦時期保甲與宗族聯

五修宗譜 卷首一 凡例

系辦法之意旨並參照現行法令原理議定族章補訂家規施行凡我族內子姓應一體遵照奉行期無越軌行爲上體祖先期望之至意

一凡譜載祖產厲禁蕩廢已入譜者不得聽其自便惟因時局變遷之故本屆應按譜嚴爲稽核照實登載嗣後如有擅自蕩廢應照家規懲處

一塲子不能繼承除生父傳下敘明某子某歲殤外不必另提載圖考一前譜嗣子傳有重敘生聘等文於其生嗣二處者似覺重複不合本屆一律修正如過繼者則其生聘詳嗣父名下如兼繼者則生聘仍詳生父名下以免重複

- 一凡嗣子繼承無論兼祧房數多少惟視其嗣父是否屬於一支若兼祧之嗣父支系不同自應照房分別立傳於各嗣父下如嗣父支系相同可合其所繼承諸祖於一處而於其支下立傳以統承之而省重複但僅可施於每五世一提圖傳之始
- 一乞養不明及異姓來繼者不許登載亂宗但抱養人分給財產房戶概不過問
- 一本屆因紙價工食費過昂爰縮字改紙減套等等均係爲時局經濟所限非敢冒破成例續修時不得藉口草率譜事
- 一本屆藝文自三十三卷起銜接四修藝文刊刷

- 一本屆藝文仍照來稿刊刷惟序傳每篇須納刊費洋伍圓詩文登載概不取資
- 一本族大祠及 煥祖祠 前原有神主外嗣後如有奉主入祠配享者必須對於祖宗子姓有特殊功績或捐稞在三十担以上仍須經全族會議許可方准與祭至 三世祖祠原由各房捐助成立除已入神主外後欲添主人祠配享亦須捐稞在十担以上捐田飲福者每席須收租定額在三担以上否則免開亂端以杜爭執
- 附記 本屆因紙貴糧竭關係經全族會議決定凡四修詩文序傳暫不刊刷將四修之譜保存全套於 大祖祠另將四

修譜內藝文自二十七上下卷起至三十二卷止計七卷參
入五修譜內同用木匣保存全套於大祖祠以備續修時
并行刊刷本屆關於本案紀錄亦附存以備查閱

五修譜局誌

范氏五修宗譜

卷首一

凡例

三

蕪陽范氏五修宗譜目錄

卷首一

五修總序 初修總序 二修總序 三修總序

四修總序 凡例 目錄 修譜名目 宗派

本宗成訓 家訓 家規 遺囑

卷首二

清高宗詔諭 名臣贊 誥封 科名錄

服制圖

卷首三

虎出寺香火記 雲臺寺香火記 仙姑廟香火記

范氏五修宗譜

卷首一 目錄

各房捐田記 義學捐田記 義倉記

虎出寺廟宇田產記 雲臺寺廟宇田產記

封山約 蓄禁墳墓規條 各祖墳山斷案

和約 公祖及各房祀產 附錄捐田引

各祖津貼在學費用數目 各公祖驗契坵段界址

卷之一

世系源流

歷代名宦

文正公續家譜序

紀原圖

同斬榮輔祖以下圖傳

煥 祖以下圖傳

瑩洋祖以下圖傳

璚隆祖以下圖傳

瑤萬祖以下圖傳

琅俊祖以下圖傳

卷之二

瑩洋祖房

國安祖以下圖傳

國泰之祖以下圖傳

范氏五修宗譜

卷首一 目錄

國器祖以下圖傳

卷之三

璚隆祖房

國棟祖以下圖傳

卷之四

璚隆祖房

之鼎祖以下圖傳

卷之五

璚隆祖房

之鼎祖以下圖傳

卷之六

瓊隆祖房

之鼎祖以下圖傳

卷之七

瓊隆祖房

同仁祖以下圖傳

卷之八

瓊隆祖房

斌祖以下圖傳

卷之九

范氏五修宗譜

卷首一

目錄

三二

瓊隆祖房

斌祖以下圖傳

卷之十

瓊隆祖房

國治祖以下圖傳

卷十一上

瓊隆祖房

國治祖以下圖傳

卷十一下

瓊隆祖房

國治祖以下圖傳

卷十二

澄隆祖房

之光祖以下圖傳

卷十三

澄隆祖房

如璧祖以下圖傳

卷十四

澄隆祖房

貞祖以下圖傳

范氏五修宗譜 卷首一 目錄

卷十五

澄隆祖房

珣祖以下圖傳

卷十六

澄隆祖房

珪祖以下圖傳

卷十七

澄隆祖房

璋祖以下圖傳

卷十八上

崧萬祖以下圖傳

卷十八下

再祿祖以下圖傳

卷十九

照墩升祖房

朝宗祖以下圖傳

卷二十

照朝廣祖房

應文祖以下圖傳

卷廿一

范氏五修宗譜

卷首一

目錄

三四

陽瑚祖以下圖傳

連祖祖以下圖傳

瓊祖以下圖傳

璠祖以下圖傳

卷廿二

日春祖以下圖傳

卷廿三

日春祖以下圖傳

卷廿四

日曉祖以下圖傳

卷廿五

烈柏先祖以下圖傳
其分
真中祖以下圖傳

卷廿六

柏先祖房

國燦祖以下圖傳

本分序傳

祭產

封山約

津貼

卷廿七上

藝文詩集

卷廿七下

范氏五修宗譜

卷首一 目錄

藝文詩集

卷廿八

初修序傳

墓銘

卷廿九

續修序傳

祭文

卷三十

墓誌 序傳

三修序傳

節烈傳

卷三一

三修序傳

墓銘

卷三二

四修壽序

新序

新傳

墓銘

范氏五修宗譜

卷首一

目錄

三六

嘉慶丙寅歲初修督理名目列后

督修

國緯雄才

宜善兆祥

世芬桂堂

世昕曉徵

道光丁未歲續修督理名目列后

范氏五修宗譜

卷首一

名目

三七

總理

德薰香山

德宣甸卿

纂修

昌期慶會

編修

德澍若霖

德輝桐枝

德煒赤亭

昌映雪亭

光緒戊寅歲三修宗譜名目列后

纂修

昌瑞雲卿

總理

忠喻翊臣

經理

昌陶海舟

忠炬浚明

編修

成錦雲孫

忠文蜀江

忠諧韻珊

毓璜少溪

范氏五修宗譜

卷首一

目錄

校正

昌第泮林

忠徽黼卿

忠夔粹孫

象霖雨山

分校

昌燾蓋常

昌梅庚春

昌成松亭

昌禧炎岩

忠懷金第

忠瀚仿溪

忠翊伯勳

忠亮卧垣

臚錄

曾綬澤山

忠讓克謙

忠書芝芳

學彬林三

厚崧進甫

厚嶽崧生

採輯

德全鳴採

昌順殿雲

德奇合林

昌阜文山

昌迥先成

昌藩漁泉

昌元正順

昌修懷興

忠準則平

忠裕寬甫

忠森木三

忠尙遵夏

雲彬心源

忠關潤堂

厚林開榜

厚綸希素

厚初嘉謨

民國二年癸丑四修宗譜名目列后

總理

厚潤深甫

經理

昌壽星南

忠毅致剛

曾紱黼丞

厚鼎甲三

編修

昌蘭迪森

昌達南屏

懋馥仲芬

鳴鶴淦溪

曾緒木君

毓璜讓卿

厚光遠堂

晉卿小軒

伯才笏傳

范氏五修宗譜

卷首一

目錄

四十

校正

昌蒲漁泉

忠壽介眉

厚增吉肖

厚藻采池

鍾 坤茂

玉森海琴

分校

雲彬心源

忠翊伯勳

忠乾龍菴

忠麟伯香

忠梅森亭

忠恕錫丞

忠炳南亭

增琰瓊軒

學彬林

厚寬栗甫

厚清嘉言

厚崧少江

厚恩惠卿

泚 命三

承翼輔之

承際治五

承益叔三

承敬楚賢

膳錄

昌元元泰

忠襄楚哲

厚鏐錢江

厚藩海屏

鎰西浦

鏗次航

鑑午樵

厚賡敬虞

厚溪渭川

承鈞秉衡

承惠貽亭

承泰煦階

斌宗岩

承緒纘庭

採訪

昌枝永豐

昌綿青山

忠強致祥

忠王良佐

忠喜春茂

忠湘小山

忠楷易生

忠泰堯階

忠宜保義

范氏五修宗譜

卷首一

名目

四一

忠鑑祥泰

忠德長茂

忠翼煥然

忠明藻華

厚山士垣

厚濟高陽

厚解穎生

厚勝定鰲

厚煌慶熙

厚俊廉卿

厚禮謙吉

厚綿敬亭

厚元炳然

厚球寶善

承松星陔

承祥際祥

承松松亭

承有豐山

遠探

昌仁耀雲

厚炎耀南

承鸞鳴和

民國三十一年壬午五修宗譜執事名目列后

督修

忠炳南亭

監修

昌智耀廷

昌喜元利

忠梅森亭

曾縉堯陔

總理

厚恩惠卿

承道觀廷

編修

厚忻午樵

厚海儂非

厚復陽初

鏗

後牧

先明以仁

范氏五修宗譜

卷首一

修譜名目

一

經理

忠楠伯甫

忠秀福子

忠韓季倫

厚聰伯權

厚慶文秀

厚俄少林

厚海雲波

厚鼎甲三

厚齡天成

承訓廷森

先彩占魁

先根錦堂

校正

厚雯鬢村

厚樞鹿岑

承謨弼卿

承祐介亭

採訪

忠馥呂溪

忠漢

厚露仲仁

厚玉

厚本立生

厚森樹三

厚恩春發

厚安建武

厚標伯雄

承啟漢賓

承磊馥齋

承興景純

承鰲蓮舫 承貴舜卿 承瑞少云 承有渭臣
 承福素齋 承芳子香 承海舜琴 承梅毓龍
 先明燮卿 先旺柳村 先安楚卿 先知礪磬
 先智定然 先望哲夫 先遴選丞 先鐸穉恒
 學美純青 學純銳鋒

膳錄

忠 廉泉 承多祝三 承勁鐵岩 承求永卿
 承節鐸夫 承式 承儉理和 承翰
 承丕博之 承儉約之 承堃萬載 承滌仲謀
 承文質盦 先成少恒 先祥慎意 先勲貞元

范氏五修宗譜

卷首一

修譜名目

遠探

忠喻雁青 厚珠樹松 厚保青 承仲云

續增宗派

以八世爲始

文永邦宗一

國延世德昌

忠厚承先學

明道自賢良

立志希廷用

懷才紹義方

士生觀素養

敦本際時康

按各分未歟修宗譜以前宗派不一今譜既合修自黨同
派以昭親睦宗族之義自時厥後按派取名庶派衆同
而稱謂不紊昭穆別而尊卑攸敘矣

節錄本宗成訓

魯國公爲相國時從子杲嘗求奏遷秩公作詩曉之其畧曰戒爾學立身莫若先孝弟怡怡奉親長不敢生驕易戰匕復兢兢造次必於是 戒後學干祿莫若勤道藝嘗聞諸格言學而優則仕不患人不知惟患學不至 戒爾遠恥辱恭則近於禮自卑而尊人先彼而後己相鼠與茅鷄宜鑒詩人刺 戒爾勿放曠放曠非端士周孔垂名教齊梁尚清議南朝稱八達千載穢青史 戒爾勿嗜酒狂藥非佳味能移謹厚性化爲凶險類古今傾敗者厯厯皆可紀 戒爾勿多言多言衆所忌苟不慎樞機災阨從此始

是非毀譽間適足爲身累 舉世重交遊擬結金蘭契忿怨容易生風波當壽起所以君子心汪汪淡如水 舉世好承奉昂昂增意氣不知承奉者以爾爲玩戲所以古人疾籛條與戚施 舉世重遊俠俗呼爲義氣爲人赴急難往往陷囚繫所以馬援書殷勤戒諸子 舉世賤清素奉身好華侈肥馬衣輕裘揚揚過閭里雖得市童憐還爲識者鄙 我本羈旅臣遭逢堯舜理位重才不充戚戚懷憂畏深淵與薄冰蹈之惟恐墜爾曹當憫我勿使增罪戾閉門歛跡縮手避名勢勢位難久居畢竟何足恃 物盛則必衰有隆還有替速成不堅牢亟走多顛躓灼灼園中

花早發還先萎遲遲澗畔松鬱鬱含晚翠賦命有疾徐青
雲難力致寄語謝諸郎躁進徒爲爾

文正公少時讀書長白山體泉寺日作粥一器分爲四塊早
暮取二塊斷齏數莖入少鹽以啗之留守以厨食饋公公
受而不食五年未嘗解衣就枕夜或昏怠輒以水沃面往
往體不充日昃始食年廿七登蔡齊榜中乙科有詩云長
白一寒儒名登二紀餘百花春滿路二月雨隨車鼓吹迎
前道煙霞指舊廬鄉人莫相羨教子讀詩書

文正公始顯時常語諸子姪曰吾吳中宗族甚眾於吾固有
親疎然以吾祖宗視之則均是子孫固無親疎也吾安得

不恤其饑寒哉且自祖宗積德百餘年而始發於吾得至
大官若獨享富貴而不恤宗族其日何以見祖宗於地下
亦何以入家廟乎故恩例俸賜常均族人盡以俸餘買田
蘇州號曰義莊贍養宗族無間親疎日有食歲有衣嫁娶
凶葬咸有贍給錢公輔爲之讓義田記

希文知鄧州時進士賈黯請受教答曰君不憂不顯唯不欺
二字可終身行之黯拜其言後語人曰吾得范公二字生
平用之不盡也

文正公與中舍公子三郎四郎書云諸郎官人昨得書知在
官平善此中亦如常汝守官處小心不得欺事與同官和

睦多禮有事卽與同官議莫與公人商量莫縱鄉親來部下興販自家且一向清心做官莫營私利看老叔自來如何還曾營私否自家好家門各爲好事以光祖宗頻寄書來言彼動靜將息不具叔押報

忠宣公始生時母李夢兒墮月中承以衣裾生公天資警悟八歲能以所授書爲之講說剖悉有理後文正公薨家貧借官屋以芘風雨乃博通羣書肄業至夜分不寢置燈帳中帳頂如墨色其帳存義莊至今猶在嘗言曰吾生平所學得之忠恕二字一生用之不盡以至立朝事君接待僚友親睦宗族未嘗須臾離此也每戒子弟曰人雖至愚責

人則明雖有聰明恕己則昏苟能以責人之心責己恕己之心恕人不患不三聖賢地位也又戒曰六經聖人之事也知一字則行一字要須造次顛沛必於是則所謂有爲者亦若是耳豈不在人耶親族有請教者公曰惟儉可以助廉惟恕可以成德人書於坐隅

忠文公與猶子子功從孫淳父相繼舉進士第元豐紹興間屢陳時政王偁論曰孔子謂仁者必有勇信哉鎮首陳大計以安宗社中引古義以排政府後以言不從遂致爲臣而歸非有仁者之勇疇能爾哉夫學以古今成敗爲議論仕以正君惠利及人爲忠賢顧義自重不求苟合遇事輒

發不爲利奪此則范氏之家法也哉

茂明公博學能文其心箴曰茫々堪輿俯仰無垠人於其間
渺然有身是身之微太倉稊米參爲三才曰惟心爾徃古
來今孰無此心心爲形役乃獸乃禽惟口耳目手足動靜
投閒抵隙爲厥心病一心之微衆欲攻之其與存者嗚呼
幾希君子存誠克念克敬天君泰然百體從令

家訓十二則

守王章錄矣王猷猶戴聖則道之齊之剛克柔克賞善刑
淫爲天下式凡我宗盟飲和食德勿貳以三勿南以北率
由舊章平康正直立我民彝忘我帝力以食以生會極歸
極

敬祖先 根深木茂源遠流長祖功宗德篤慶錫光前規凜
凜遺訓惶煌有典有則不愆不忘宜清祠宇宜奉蒸嘗陳
其俎豆薦以馨香悽愴恍惕春露秋霜敬宗收族後嗣其

昌

保墳塋 牛眠吉叶馬鬣封遺佳城鬱々惟福之基先靈永

范氏五修宗譜

卷首一

家訓

四九

奠厲禁宜施勿剪勿伐修之培之倘有不肖盜葬侵欺罪
同大逆國法昭垂豈不重究悔無可追培根因本各宜保
持

興祀產 楚茨歌周南山甸禹惟士有田十千歲取奉桑奉
盛我稷我庾覬覦肥私瓜分剝祖蕩廢無餘續置何補願
我宗支永飭簋簠擴大前規義田芳矩血食綿馨犧羊祈
雨

孝父母 百行之首惟孝爲先烏哺羊乳物類且然人無深
愛罪莫大焉守身養志負米稱賢懿彼大孝德福兼全凡
爲子者胡不勉旃欲報之德罔極昊天一喜一懼父母之

年

和兄弟 緜緜常華綿綿葛藟兄弟孔懷一父之子書訓友
于詩歌具邇人之無良闕墻釁起外侮紛乘多由於此天
顯宜敦嫌疑必弭籩豆具來壙篋和彼姜被田荆芳徽克
比

序尊卑 天高地下君尊臣卑兄先弟後夫唱婦隨爲子必
孝爲父必慈不有名分何有規矩毋懶毋敖相恤相維進
退有禮長幼有差以序昭穆以辨等威子子孫孫勿替引
之

辨內外 刑于式化肇始深宮夫綱必正婦德攸崇我思古

范氏五修宗譜

卷首一

家訓

五十

人淑慎其躬偪浴不共巾櫛不通吁嗟士女昭若發蒙毋
弛姆教毋害女紅閭裏出入道辨西東位內位外扶進淳
風

務耕讀 捧硯思親肯獲惟子啟後承先曰耕讀耳本業宜
敦成人在始樸者歸農秀者歸士南畝西疇左圖右史力
田逢年學優登仕勤務三時惜陰寸晷負耒橫經箕裘濟
美

懲游惰 禮謹慢游書陳無逸業精於勤事妨其失嘗見世
人居多暇日歲月拋荒光陰迅疾悔不可追覆轍若一爾
其戒哉毋淫于佚耕課上辛藜燃太乙不敢少休其歌蟋

蟬

戒爭訟 飲食起獄言語興戎吏期不對訟則終凶公庭屈膝有損家風願我族眾退讓持躬罔陵彼弱罔逞日雄冤家少結人惡無攻勃谿解釋畛域消融講信修睦受福無窮

敦節儉 節以制度儉乃永圖服奇垂戒室美招尤誇多闌靡怙侈貽憂黃金蕩盡隳及先疇彼其之子爲父祖羞一絲一粒須念貽謀志安淡泊費汰虛浮量入爲出先事而籌

以上諸條皆人生大端雖未該括然大本既立細行自

謹且語言淺近人人共知凡我同族每於祭期後逐條宣諭各宜慎遵庶家政整齊倘敢違戶族齊集公祠治以家法决不寬貸

家規

- 一 本族家規爲補助政府管理不及之處遵照湖北省政府鄂東行署修正清勦時期保甲與宗族聯合之意旨並仿照現行法令條例原理經全族會議訂定之
- 二 本族子姓如有違反政令作奸爲匪或盜竊干犯國法經受法律制裁者革祭若刑期屆滿而行爲如故經戶分勸改不悛永遠逐出戶外不准與祭並得由戶分房長稟公懲處
- 三 子姓有忤逆不孝或悖理亂倫經戶分房長查處而不接受不悔改者永遠革祭並得稟公究處或傳大祖祠

范氏五修宗譜

卷首一

家規

杖責

- 四 子姓或經理無故私擅蕩廢祖產或覬覦分肥者得酌量其情節之輕重經公分別議罰（罰金存作賞金後均仿此）如嗣子浪漫蕩廢嗣父遺產者酌量其情節加重議罰

- 五 子姓游手無業經戶分房長勸戒不悛者無論公私祖祠一律革祭或稟公懲處俟悛悔後方准入祠與祭
- 六 凡族內祖塋祖產及子姓婚姻田土等項受外侮時族人當一致抵禦如有不肖子孫暗行媚外致分家族團結力量經查實後酌量情形輕重經公分別議罰

七 凡族內公私祖墳各子姓均應妥爲保護如子姓有侵害者處令革祭或出戶或見他人侵害而不報告反爲隱匿辯護者經查實後與直接侵害者同罰

八 子姓如有霸種祖廟學產措不完租及不接受改良辦法者除公同摘退外並酌議革祭

九 凡族內男女訂定婚約未得雙方同意而無故中途片面解除或脫離夫婦關係者經當事人報告應維持成約否則公同議罰如外姓對族內有上項情形者除與現行法令衝突者外族人亦應一致維護

十 族內子女如有寄養外人或竟有鬻兒爲人作子鬻女

爲人作妾者應勒令其贖歸並另行擇配否則處罰其家長革祭五年至十年並罰及其房長如親屬知情不加阻止更從中作媒說合藉圖漁利者與家長同一處分

十一 族內各祠祭祀凡屬與祭子孫務須整潔衣冠以昭誠敬至引禮相禮主祭各生尤以讀書優秀及衣冠整齊者照禮單公佈爲限否則不准參與

十二 族內子姓有不顧事實不論理由動輒行凶者經查實其違克情節議罰如逞凶鬧祭者加重議處或稟公究處

十三族內子姓如有糾紛應先請憑戶族公決倘未經戶族處理遽行興訟無論公私祖祠革祭三年

十四族有已有定期公私祭祀承辦人如無特別事故擅自停辦或改期者經本房聲明查實後公決議罰或革祭一年

十五凡子姓經受革祭處分無論公私祖事在革祭期內概不准干與

十六族內讀書青年（二十歲以內）每年期假期內舉行考稞一次經公評判等第並取閱校內成績證明書酌予給獎以資鼓勵

范氏五修宗譜

卷首一

家規

二

十七本族舊例花紅改爲津貼除津貼數目依各級學校另行訂定外凡應領津貼之人須按期繳閱各校本期成績單據如有留級或中途退學者得停給並追還以前所領津貼

十八族內子姓如有願達自應遵照先例捐資或田畝培祖以盡報本之義

十九本規條適用於本族如有未盡事宜六修宗譜時得增改之

族章

一名稱 本章定名范氏五修宗譜增訂族政新章

二宗旨 本章以團結宗族擴充國族改善族政灌輸族眾知識增進族眾利益爲宗旨

三組織 本族組織祖產經理委員會監察委員會及戶分房長由全族大會或家族會議選舉舉定之選舉正副戶長各一人每分分長一人各房長一人祖產經理委員會委員三人監察委員會委員五人（祖產經理委員會施行細則另定之）

四資格 本族戶分房長選舉不拘年齡輩派以人品端正
任事公平學識豐富兼有決斷能力者合格

五任期 本族戶長每二年改選一次分房長每一年改選一次但任事認真能孚眾望者得聯任如有徇情偏袒等弊得由監委會彈劾之並得隨時召集家族會議改選（平時選舉以各祖祭期爲限）

六職權 戶長管理本族對外對內各事務並督率各分房房長及子姓遵照國法家規切實奉行分房長管理各該房分一切事務並接受戶長指揮祖產經理委員會經理各公私祖產監察委員會監察戶分房長及各祖產經委會有瀆職時即彈劾之並得召集開會改選

七時效 本族章如有未盡事宜及欠妥之處得由戶長通知監察會召集全族會議隨時增訂或修改之
八實施 本族章經全族大會討論通過施行

慎菴公遺囑

自父親大人於康熙十年去世余年二十有三弟年二十有一 父親大用之性身中竟無餘積只存銀壹兩七分粗布十疋乃囑余弟兄曰吾 父母在堂五十歲兒不能送七十歲父母終此終天之恨只將此布縫爾等孝衣切勿散孝開弔但吾已受經錄做豫修不可不速做齋繳牒非二三十兩不可家無銀錢只有稞三百五十担內河灣三十五担係爾叔父與我者得價三十五兩叫叔父來將約付與渠以此項銀兩應用及叔父主付約叔父曰兄命敢不遵但兄無銀弟亦無銀兄豈不知 父親曰我非不

知你向五爺處說將備老銀權借十兩設法十兩與我目前應用餘俟年內陸續完可也 只存稞三百一十五石與弟同爨六年共買三百石丁巳冬各煙各分稞三百餘石余夫婦二人共其甘苦同其勤勞一十四年復買田稞五伯石共八伯餘石生五男二女不幸髮妻於辛巳年去世余次娶繼室亦生二男一女至康熙四十八年余年六十有二又置田稞一千一伯石共一千九伯石因子孫繁衍屋宇狹隘難以共爨遂各創屋宇將稞一千四伯石七子均分每人各二伯担自留養膳二伯担又將稞三十担與適長二孫又將二十一石與長女前奉稞十二石五斗

供外父母祀產又將稞十担作我房軍產又田稞二十五担添作原配楊氏祀產只存二伯担零放賬又伯餘兩遂與諸子約權各分田稞二伯担又前五子幼年所積俱付各自運用各自操持倘明天幸再能買置田稞照股均分奈命不辰厄於四十九年與南人構訟三載用銀一千餘兩非惟放賬用盡並借債三百餘兩實非健訟不過求保族伯父母墳塋耳又復百番支持至五十五年冬始將債負還清自五十六年至六十年又五年來復買田稞伯餘担通前共三伯餘担又奉田稞十二担補祖父母祀產又將十担補我兩房軍產又奉田稞十二担與叔父作祀產

只存田稞三伯餘担聽七子均分但前五子自承分後將每年所餘或置田稞二伯担或一百五六十担最少者亦不下百餘担只二幼子斯時尙未婚娶隨余衣食余將兩子承分田稞四百担另立簿籍除每年衣食用度並讀書費用外餘積銀兩置田稞一百六十餘担約費五百餘兩又有帳目約二百兩前五子幼時尊長所賜牌鈴等項並岳家所回銀物俱私立簿籍歸之營放多者致百餘兩或五六十兩不等俱付各子營放此二子亦照前五子樣凡小時所存並岳家所賜亦私立簿籍爲之營放共有二伯兩連田稞帳目約共千金今既細分據天理道理應俱付

二子而前五子以年長人眾費用浩繁後二子眼前人少用寡欲將此田稞銀兩作七股均分余恐壞我家規啟後日強凌弱眾暴寡爭端執意不與而二幼子並其母百番哀稟以爲財短情長恐傷手足之好并失父子之和已若該有天自佑之祖宗護之置此千金何難命若無時自然耗之雖多千金何益情願將私置田稞與妹丈者返取二十四担五斗與幼妹又將私置以忠田稞六担在祖父母祀產界內一同奉作祀產其餘所存盡付公七股均分只有銀帳共四百兩公議以爲七子功名之費又將少所餘二百兩只共存一百二十兩以爲二子分家後用費餘俱

大公以全孝友於六十年冬除所存稞除養膳並存龍家渡下側田稞五十丁担以爲公事之用外尙有公私田稞三伯八十餘石又作七股均分每股五十五石零兩子所私買一伯六十餘石盡行吐出均分未存升合二子亦出自心願無分毫不平余只得聽之余因年老懶於布置欲將養膳稞付七房公同供膳而五房因分居路遠難於來供遂公同議定每年將穀五十担銀二十兩付五七兩房在本屋住者輪流供膳豈知雍正二年冬五子去世只聽七房一人供膳所存七子功名銀四百兩雍正元年捐納監銀一伯八十兩又二年被袁火術納貢銀一伯兩尚存

捐貢銀一百八十餘兩收入櫃內不意五子死後未加提防盡行失去幸貢照未到不敢逼迫但六七兩房私買田稞並所私存俱已七股均分而研補功名之銀又被失去則七子之不幸何至此也雖兩子不怨天不尤人歸之於命爲父母者安能無介然於懷此余之所以耿耿不寐也

譜局公刊

